



Napaartoq Petrussen
Inatsisartunut ilaasortaq

§ 37 naapertorlugu apeqqummut 191-2025-mut akissut: Inuussutissarsiortunut innaallagissap erngullu akiinik akikilliliinermik aaqqissuussinerit

24-11-2025
Sags nr. 2025 - 878

Asasara Napaartoq Petrussen,

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Inatsisatut ingerlatsinermut maleruagassaanni § 37 tunngavigalugu Naalakkersuisunut apeqquteqaatigaat aalisakkanik suliffissuarnut innaallagissamut imermullu akikilliliiffigineqartarnermik aaqqissuussinermut assingusumik inuussutissarsiortut allat periarfissaqarnerisut.

Apeqqutitit uannut akisassanngortinneqarput. Apeqqutigisatit ataasiakkaarlugit kinguliini issuarneqartassapput akineqartassallutillu.

Apeqqut 1: Naalakkersuisut naleqquttutut isiginerpaat inuussutissarsiortut allat, tassunga ilanngullugit aallarnisaasut suliffeqarfiillu mikinerusut, aalisakkanik suliffissuarnut aaqqissuussisimanertuulli pineqarnissaat, aaqqissuussineq malillugu suliffeqarfiit tunisassiornerminni pilersuinerminnilu innaallagissamut imermillu aningaasartuutimik 50 %-iinnaanik akiliisarlutik?

Naalakkersuisunit tunngaviatigut suliniutit pitsaasut tapersersorniartarpagut, namminersortut akornanni siuarsaanermut ineriartornermullu iluaqutaasut, tassunga ilanngullugit aallarnisaasut suliffeqarfiillu mikinerusut.

Pingaartuuvorli maluginiassallugu akikillisaaffigineqartarnermik aaqqissuussineq maanna aalisakkanik suliffissuarnut nunamiittunut atuuttoq ullumikkut aningaasalersugaammat Nukissiorfiit isertitaat allat aqqutigalugit. 2024-mi akikillisaatit nalingat 43,3 mio.kr. -upput, tassaallutik Nukissiorfiit isertitaannit annaasat. Tamanna ima paasisariaqarpoq aningaasartuut naggataagut atuisunit allanit tamanit akilerneqartarpoq ilutigisaanillu Nukissiorfiit aningaasaqarnerannik nanertuilluni.

Taamatut nutaamik aaqqissuussisoqassappat aallarnisaasunut suliffeqarfinnullu mikinerusunut atuuttussamik aningaasalersueriaatsimik allamik atuisoqartariaqarpoq, Nukissiorfiit aningaasaqarnerannik ajorseriartitsinngitsumik imaluunniit akigititanut atuisunut atuuttunut allanut sunniuneqanngitsumik.

Naalakkersuisut maanna suliaraat siuarsaanissamut inuussutissarsiornermullu periusissiaq, tassanilu suliniutit nutaat arlallit naliliiffigissavagut aallarnisaasunut iluaqutaasussat, tassunga ilanngullugit iluarsartuussinissamut, allaffissornikkut oqilisaaffigineqarnissamut niuernermullu tunngasutigut iliuusissanut periarfissat.

Apeqqu 2: Naalakkersuisut eqqarsaatersuutigerusussinnaanerpaa piffissamut aalajangersimasumut killeqartinneqartumik akikillisaammik pilersitsisinnaaneq, maannakkut aalisakkanik suliffissuarnut aaqqissuussinermut assingusumik, suliffeqarfinnut imminut pilersornermik, piujuartitsinermik atoqqiinermillu aallaaveqarluni aningaasarsiornermik suliaqartunut?

- a. Naalakkersuisut aningaasatigut allaffissornikkullu suut taamatut aaqqissuussinernut Nukissiorfinnut Aningaasanullu Inatsimmut kingunerisinnaasaattut nalilerpaat?**

Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit paasissutissiissutaavoq Imminut pilersornermut periusissiaq 2025-2030-mut atuuttussap suliartineqarneranut atatillugu misissuiffigineqartoq inuussutissanik nioqqutissiernerup imminullu pilersornerup iluani suliffeqarfiit aallartisartut eqqarsaatigalugit siunnerfigalugillu aaqqissuussiffiginissaat.

Ilutigisaanik 2026-mi Aningaasanut Inatsimmi immikkoortinneqarsimapput ukiumut 1 mio. kr.-t, piffissami 2026-2029-mut atuuttussamik inuussutissarsiornermi siuarsaanermut atorineqartussat, imminut pilersornermullu sammisumik. Aningaasaliissutit taakku tunngaviliisinnaapput periusissanik, Nukissiorfiit avataani atorineqarsinnaasunik, taamaalu eqaatsumik aningaasartuutitigullu ersittumik aaqqissuussiffiusinnaasunik.

Apeqqu 3: Naalakkersuisut qanoq nalilerpaat aalisakkanik suliffissuarni atugassarititaasut pitsaasut attatiinnarneqarsinnaanerit, ilutigisaanillu inuussutissarsiuutit nutaat pitsaasumik periarfissaqartinneqarnermikkut ineriikkartorsinnaanerit taamalu inuiaqatigiit aningaasarsiorneranni napatitseqataalerlutik?

Pingaartuuvoq, aalisakkanik suliffissuarni, tassunga ilanngullugit sinnerissap qanittuani aalisartut amerlasuut aamma nunami tunisassiorfiit aalajaatsunik siunnullu takuneqarsinnaareersunik atugassarititaasutigit sinaakkutassaqaqartitaammata. Aalisakkanut suliffissuit nunap aningaasartuutitigut suli nammattuusussaapput taamaattumillu aalaakkaasumik ingerlanissaat pingaaruteqarluni.

Ilutigisaanik politikkikkut anguniagaavoq inuussutissarsiutini nutaani ineriartornerup nukittorsarneqarnissaaq, soorlu imminut pilersornerup iluani. Inuussutissarsiutit arlallit kattullutik ineriartorsinnaapput. Naalakkersuisunit takujuminaatsinneqarpoq inuussutissarsiutit ilaasa illuartinneqarnissaat allat inerisarniassammata. Siuarsaanissaq inuussutissarsiorterlu pillugit periusissiassami ilaatigut anguniartussaavarput suliniutit nutaat aallartisaanermik ikorfartuisuunissaat, tassunga ilanngullugit iluarsartuussineq, allaffissornikkut oqilisaassineq aamma niuernermut tunngasutigut suliniuteqarnissaq.

Apeqqut 4: Naalakkersuisut oqaluuserisassamut soqutiginaatilinnik allanik paasissutissiisinnaanerlutik?

Naalakkersuisunit erseqqissaatigissavarput inuussutissarsiorterlu ingerlatsisunut nutaanillu inuussutissarsiutinik aallartisaasunut atugassarititaasunut sinaakkutissanik ataavartumik nukittorsaanissaq suliarigatsigu. Suliamut ilaatigut ilaapput ilisimasanik katersineq, sunniutaasinnaasut assigiinngitsut suliffeqarfinnut sunniutaat pillugit.

Inussiarnersumik inuulluaqqusillunga
Med venlig hilsen



Naaja H. Nathanielsen
Inuussutissarsiorterlu, Aatsitassanut, Nukissiuutinut, Inatsisit Atuutsinneqarnerannut
Naligiissitaanermullu Naalakkersuisoq
Departementet for Erhverv, Råstoffer, Energi, Justitsområdet og Ligestilling